

10. LOLO EC TITINE

Alors enne jour comment enne beau jour ti ennanin zomme y appelle Lolo ecque son femme y appelle Titine. Ti toujours bien ensemble. Mais in seul quecque chose ti rende mecontent Lolo. Titine son femme ti ennan in la langue trop longue. Y pas ti capable garde narien pour li. Tout ca qui y ti entendre raconter, y ti toujours pe raconte en partout, ca ti faire li la peine. Y ti essaye tout facon pour corize default son femme, mais jamais i ti vine a bout.

In jour Lolo y arrive dans la cour cotte Titine ecque l'air tracasser. Titine qui ti ouler li tranquille y demande li: "Lolo qui y ennan azordi. Qui ou gagner?" Lolo y reponde li: "Mon femme moi dire ou qui monne gagner, mais si ou promette moi qui ou pas pour dire personne." Titine y promette li avec serment qui jamais ya dire personne, pas meme ecque Zaza, son voisin ecque qui i ti bavarder l'heure i gagne enne p'tit moment be temps. Alors Lolo i dire li: "Mon femme mon fine touille trois pretres hier soir. Monne femme zotte la bas e dans la case mort." L'heure Titine y tende ca y ti gagne tellement peur qui y ti pres pour tombe suncope. L'heure i tine retourne dans li meme Lolo i dire li: "Pengard ou alle dire ca ecque dimonde hein. Sans quoi moi gagne mette en consigne, ou tender hein. Quand meme ou a entende dire qui dimoune dine touille trois pretres, pas dire pour dire moi quine faire, ou tender, hein."

Lolo y lever i mette son la main dans son poches, i alle derriere la case sans dire narien. Titine aussi pas dire in mot ecque ca choque qui i fine gagner. I ti rester tellement tranquille qui Zaza, son voisin, ti remarquer quecque chose. Tous les jours Titine ti ennan l'habitude crie li bonjour. Mais auzordi fine arrive enne ti peut plus tard, y pas encore oit Titine. Alors Zaza y diboute en bas la fenetres, y crier "Bonjour, Bonjour" "Mon pas tende ou faire ou palabe beau matin, ou malade.... Mais ,,,,,," Zaza qui fine remarque quecque chose drole y dire ecque Titine. "Ou ennan l'air tracasser. Qui ou ennan?" Titine qui jusqu'a present son la langue ti pe bouze bouzer dans son la bouche pour li causer. Mais tout d'meme y dire ecque Zaza. "Zaza mon soeur mon a dire ou queque chose. Mais pas dire

avec personne." "Mon connaît mon soeur", Zaza i repondre Titine i dire ecque Zaza: "Zaza, ou connaît Lolo fine dire moi pas dire avec personne meme avec ou." "jamais mon soeur, conte lo moi." Zaza i dresse son le corps, i pique son jupe, ouvert son lizie, ecque son zoreille bien grand.

Alors Titine i delargue son secret. "Lolo fine touille trois pretres hier soir, inne ferme zotte dans la case mort." Zaza y etonner, y mette son la main divant son la bouche y dire "Ah Madame Lolo. Ca in quecque chose pour M'sie Lolo faire. Li qui toujours in bon dimoune." Meme moment Titine y tende dimoune marcher dans la case. Y taille vite, quitte Zaza sans voir narien. Zaza a peine ine quitte Titine ine alle raconte ca nouvelle ecque son manman qui li aussi fine alle raconte ecque in l'autre, et ca l'autre ine alle raconte ecque in l'autre encore. Avant midi nouvelle ti arrive dans zoreille la Police. Juste dans p'tit deux heures, deux gardes y entrer dans la case Titine pour prend l'enquette avec Lolo. Lolo ti pe fume son gros pipe l'heure gardes ti arriver. Gardes y demande ecque Lolo si y vrai qui ine touille trois pretres hier soir. Lolo i repondre i dire oui mon gardes. Garde si tiombo li par son deux le bras, y mette li dans minotte, y dire ecque li "Ennou, alle montrer nous cotte oune mette zotte." Lolo i repondre i dire ennous aller. Lolo y alle ecque gardes jusqu'a la case mort. Y ouvert la porte, et la divant la porte zotte trouve trois p'tit poisson morte qui appelle "PRETRES" qui Lolo ti touiller la veiller ausoir pour li faire la bouette. Z'histoire y arrete la pour auzordi. y pas lire nous plisse. Mais nous capable mazine qui Titine si y pas ti corrize li pour toujours, y ti gagne li in bon lecon lo son maniere content raconte tout ca qui i tender.